



Eggert Ólafsson
(G. J. Thorkelin)

Index Geographica.

1780.

5.910
'08.





914.91

Egg

EGGERHÅRDI OLAVII

Islandia orient. & occid. Judic. Provinc.

INDEX
GEOGRAPHIÆ
VETERUM ISLANDORUM

Quem ex

Monumentis medii ævi

confectum

Recensuit & stellula notatis auxit

G. JONÆ THORKELIN

Qvi

sua disputationis anniversariæ

loco

IN AUDITORIO COLLEGII MEDICEI

modesto secus sentientium examini submittit

h. p. merid. sol. die 19 Junii.

HAVNIÆ 1780.

Typis AUG. FRID. STRINII.

THE NEW YORK
LIBRARY

ASTOR LENOX TILDEN FOUNDATION

1000

1000

1000

1000

1000

1000

1000

1000

1000

1000

1000


1000

1000

INDEX
GEOGRAPHIÆ
VETERUM ISLANDORUM.

THE UNIVERSITY OF CHICAGO

LIBRARY



A.

A*dal-sysla*. Sn. T. i. p. 44. Territorium *Esthoniæ* maritimum. *Hapsahoykam* esse credit Illustr. G. *Schöningius* not. ad *Snorr*: T. i. p. 206. S. *Lagerbringius* vero *Adalsyslam* statuit esse regionem circa *Wolgæ* ostium *Caspio mari* adjacentem. Hist. Svec. T. i. p. 116. Rationes probandæ hujus conjecturæ affert, *Volgam* ejusque ripas a *Turcis*, *Tartarisque* *Athel* & *Ethel* appellari: *Stenumque*, *Adalsyslæ* locum, illud clarius monstrare. Sed observandum est, bina esse loca, eaque a se invicem diversa, quæ duobus *Sveciæ* Regibus fatalia, *Steni* nomine, apud *Snorronem* veniunt. Unum, ubi *Svegderus* abreptus p. 18., alterum, ad quod *Yngvarus* occubuit pag. 44.; Hoc in *Esthonia*, *Baltico mari* ita vicinum, ut crediderit Poëta *Hvinensis*, manes regis ibi tumulati, *Epinicia*, laudesque sibi a *Naiadibus* carmine fusas, dulcesque sæpius modulatas facile audire posse: illud in plaga orientali *Sveoniæ* magnæ, situm erat. Quod ni statuatur, quomodo potuit quæso, *Brautaunundus* cædem patris *Yngvari* ulturus, una eademque ætate, *Sveciam* relinqueret, *Esthoniæ* petere, late populari, & sub au-

tumnum præda onustus domum ire; Num potuerit, brevi isto tempore expeditionem ad mare usque Caspium peragere? Verbo: *Ericum* vicinam *Oesiliæ* *Adalsylam* armis subegisse Polybius noster refert T. I. p. 206. *Adalsylam* ideo vocatam fuisse credo hanc provinciam, quod trans mare Balticum prima fuerit in continenti Regio *Gothis* in *Svecia* habitantibus subiecta. Ab *Adol*, de quo vid. *Ihreii Glossar.* T. I. p. 6. & seqqv. & *Sylla*, præfectura.

**Adrimar.* Wilk pag. 354. *Mare Adriaticum*, hod. *Golfo di Venetia*.

**Ægissif.* Fr. G. 736. *Αγία σοφία*, Templum Cathedralis Constantinopoleos.

**Ævisnes.* Snor. in vita Sig. Hieros. *Ægos*, urbs maritima olim in extrema Chersoneso ad Propon- tim sita. ex *Ægir*, *Ægeus*, & *Nes*, promontorium.

**Æsir.* Sn. Idem ac *Afar* infra.

Agnasit. Snor. T. I. p. . Agnii lingula, in Mæle- rum lacum, ubi nunc *Stockholmia* est, excurrens, ab *Agnio Dagi* filio *Sveciæ* Rege, qui ab uxore *Skialfa* ibi laqueo suspensus obiit, sic dicta. *Fit* lingula, præsertim plana, & depressa.

Akrshorg. Sn. T. II. p. 241. Edit. Per. *Accon*, *Acon*, *Ptolemais*, hodie *Ata*, *Acre*, urbs *Syriæ* ad mare mediterraneum celebris, & crucigera Norman- norum classe frequens olim statio. Comp. ex *Akr*, ager, planities. Qvam vocem, ex hodierno no- mine *Acre* ob similitudinem finxere majores; & *Borg*, munimentum, urbs.

Akulsborg. Orkn. Mf. Idem.

**Alaborg.* Sn. T. 2. p. 322. Edit. Per. *Aalburgum*, *Alaborg*, *Alaburgum*, *Alaburgia*, hod. *Aalborg*, celebre

celebre Jütæ oppidum ad oram Sinus Limici australis. Composit. ab *All* 1) angvilla, Dan *Aal*. 2) Canalis profundus. Ita ut nomen acceperit urbs, aut ab captura angvillarum, aut ex situ, quem amnes duo *Öster*. & *Wester-öpen*. jam dicti commerciis utiliore faciant. Conf. Atl. Dan. T. V. p. 110. 124.

* *Aldeigia*. Sn. T. 1. p. 296. Halld. Est f. p. 5. Urbs ad Lacum *Ladoga* in Principatu Russiæ Novogrodiensi. *Bayerus* hanc urbem fuisse vult *Alt-ladogam*, & *Lägarbringius*; *Stargardiam*. Hist. Sv. T. 1 p. 282. *G. Schöningius* vero insulam ubi postea *Notheburg*, illi melius assignat. Significat urbem ad *Ladoga* sitam, qui lacus in monumentis *Aldoga* etiam appellatur. vid. *A. L.*

* *Schlözers* Allgem. Nord. Gesch. p. 501. & *Verelii* notas ad *Hervaræ* sag. p. 72.

Aldeiguborg idem. Sn. ibid.

* *Alfsborg*. Halld. Est S p. 4 Urbs Russiæ non longe ab *Aldega*, forsan ubi *Olonetz*. utraqve enim mutuo confunditur in Mss. Legati *Arna-Magnani* No. 340. cum impress. collatis.

* *Alfheimr*. Sgb. p. 18. 3. Mundus annium f. Regio interamnus, quæ *Raumelsa* *Gotelsa*que clauditur, *Bahuslehn*, *Römmerige* & *Wermelandiam* hodie complexa. vid. infra in voce *Gautelsr*. Eponymum hujus regionis *Alfum* *Odini* fratrem fuisse, dicit *Peringskiöldius* in notis ad *Cochlaun* p. 352. & Exemplar aliquod *Hervaræ*sagæ Mss. quod vir ille illustris cum (a) impresso contulit, idem quoque tradit. Sed, cum majores, ex natura locorum nomina sæpius desumerint, placet hic illud deducere I.) ex *Elf* 1) flumen, 2) κατεξοχην

A 3

certain

(a) Exemplar hoc cum varietate Lectionem manu b: *Peringskiöldi* pertinet hodie ad *On. de Nettelbladt*, S. R. J. lib. Baronem.

certain quoddam & præ aliis celebre flumen. Ex gr. *Albis* Germaniæ: Dan. *Else*, Gall. & Germ. *Elbe*. Quem fluvium *Math. Martinus* in Lexico Etymol. edit. *Grævianæ* p. 22. ab *Halb*, medius, minus recte derivavit, etiam si maxime *Germaniam* ab *Hercinia* in mare usque *Germanicum*, mediam secet. II.) Ex *heimr*, mansio, domus, regio, orbis. Ab hoc *Alfheim* cum nomine, tum situ differt.

- * *Alfheimr*. Edd. Mythol. XV. 3: Geniorum mundus. "Est in coelis locus *Alfheimar* vulgo dictus, quem "gens *Liósalfurum* 3: Lucidorum geniorum incolit. Sed inferius, in terra *Döckálfi* 3: Nigri "genii sedes habent." Quæ fabula ita forsitan explicari potest. *Alfi* genus hominum erat, & quidem ex conjectura illustriss. *Suhmii* origine *Finnicum*. Quos, nam *Alp* in lingua Celtica editum, altum denotat, loco primum incoluisse edita, indeque nomen accepisse credo. Ut vero crevit populus, alii sedes deseruere patrias, depressa, ne latebrosa, & in visceribus terræ quæfita, dicam, domicilia occupantes: remansere alii. Hi *Liósalfi*, illi *Döckalfi* dicti sunt. Sed hæc, quorsum rogas? Genii erant: Dixere *Asiani*, atque *Alfis* artes stupendas tribuunt. Has solos apud Deos, eorumque cognatos, genios puta inveniri, persuasit sibi credula posteritas talibus longe impar, & omnia, quorum rationes perspicere non potuit, mortalibus denegata, ad vires divinas retulit. Sic *Alfi*, genii facti sunt. Et *Ol. Dalinus*, *Alfheim* illum Eddæ, *Olbiæ* ad *Borysthenum* sitam fuisse statuit. Vid. Hist. Svec. T. I. Cap. III §. 16. n. p. Cæterum *Alfr* hodie significat 1) Genium, Dæmona, 2) excelsum quid. 3) Nom.

3) Nom. propr. viri quod latine vertunt *Adolphum* 4) stultum, rusticum. Bremensibus *Aolf*, thörigt, abgeschmacht. Qveis diversis notioni-
bus fata gentis latere facilis opinor. Quid enim
facilius? quam illa florens artibus, quales ætas
istâ tulit, ab Asianis in Boreales terras venienti-
bus, subacta, sedibus ejecta suis, & commerciis
demum fuerit interdicta. Quo non potuit non
extingui pristinus gentis honos & barbarie com-
mutari. *Alf*. AS. & Sv. *Ælf*. Teut. *Alp*, alii
ab *helfen*, juvare; alii ab *ολβιος*, felix, derivant.
Sed laudo magis ingeniosam Gudm. Andreæ ety-
mologiam v. ab *half* α: medio aut hebr. חֲזַץ
latuit. Etenim illi natura, quam Edda iis tri-
buit, semidei sunt, & *huldu fólk* α: populus la-
tens, invisibilis quippe, ideo appellantur. De
qveis geniis vid. *Trog. Arnkiells* Cimbrische Hei-
den Relig. I Th p. 93. & quæ nuper Varro no-
ster scripsit om Oden og den Hednische Gude-
lære p. 228. ad 234.

* *Alfjafund*. Fr. G. Fretum Balticum minus *Fioniam*
inter & *Cimbriam*. Dictum puto ab *Half*, dimi-
dius, quasi dimidium, respectu freti majoris, quod
Fioniam a *Selandia* sejungit. *Sund*, trajetus.

Alkassir. H. st. & Sn. T. II. p. 234. *Salacia impera-
toria*, hod. *Alca Cerdo Sal*, *Alcacer de Sal*, *Al-
casses di Sal*, urbs Portugalliæ in *Extremadura*.

Allandshaf. F. N. *Mare Allandicum*. Ea pars maris
Bothnici, quæ *Alandiam* alluit.

Alsey. Kn p. 18. hod. *Alsen*, Insula maris Balthi-
ci ad ducatum Schlesvicensem pertinens.

Analöng. Kn p. 244. Oppidum & ditio Rugiæ a
Danis occupata.

Andþekia. Fr. G. *Antiochia magna*, Syriæ ad *Oron-*
tem fluvium sita Metropolis. *And* est Græc. *αντι*,
contra, & *þekia*, testum, quas voces ex *Antio-*
chia formarunt majores.

Apasissa. Præfectura & territorium Cimbriæ.

Apardion. So Edit Per 343. *Devona*, hod. *Aber-*
deen, urbs Scotiæ Septentrionalis in Comitatu Aber-

Aquisgranum. Fr. G. *Aquisgranum* hod. *Aacken*.
Fr. *Aix la Capelle*, urbs Westphaliæ antiqua.

* *Ardign*. Orkn. f. p. 330. Idem ac *Apardion*.

* *Arinsborg*. Fr. G. 736. *Marpurgum*, hod. *Mar-*
purg urbem Hassiæ Superioris esse dixit b. *Tem-*
lerus. Et Contextus id patitur. Siquidem eun-

tes Romam, *Frizlaria* relicta, *Arinsburgum* venie-

bant, unde brevis *Moguntiam* eos ferebat via.
Utrum vero ab *Aegæ* Mars derivari debeat, aliis
judicandum relinquo, multum dubitans majores
habuisse morem, loca græcis nominibus appel-

ut

ut *Ostium amnis* notet. Hinc factum esse *Arhús* credo, mutando *o* in *u*, & *h* inferendo. Situi nomen optime responderet, nam ad ostium amnis, qui mediam fecit urbem, jacet. Poruerit tamen *Aarhus*, & domus ad amnem structa dici, & Remorum receptaculum, comoda scilicet statio, celebrisque portus ex *Ar*, Dan. *Aarz*, remus, & *hús*, domus.

**Arós*. Sn. T. 2. Cap. 96. 203. olim *Östra Arós*, oppidum mercatusque (ubi nunc Upsalia est) ad Ostium *Fyrensis* amnis, ubi in Mæthrum sese exonerat. vid. *K. Tuneld* Indledn. til Geogr. öfwer Swerrige pag. 47. *Joh. Schefferi* Upsaliam p. 1. *Joh. B. Busseri* Beskrifning om Upsala T. 1. p. 33. *Joh. Peringskoldii* Monumenta Ullerakerens. F. 2. Cap. 11. p. 5.

**Arós*. Orkn. f. oppidum Rossiae in Scotia, illustri *Makdonaldorum* genti dominii jure hodie parens.

**Ar*. plur. *Afar*. Snor. sæpius. Apud majores nostros vocabantur *Odinus* ejusque socii huc ex Asia venientes, & divino, postquam summum obierunt diem, honore mactati sunt. Volunt Complures, nostros *Afar* ac Hetrusiorum *Æsar*, Thyrrhenorumque *Aisous* numina, deos, eosdem esse. Quamquam veri similis sit, hoc ab *aisa* fatum, quo nihil in orbe veteri divinius colebatur, descendere, illud vero nomen, a regione quam incolebant *Asi*, desumptum fuisse. vid. *Ihre* in voce *Ar*. Horum ad Caucasum montem & in Taulistonica superstites reliquiae propria se lingua vocant *Acias*, *Afas*, *Afjes*, *Anses*, *As* & *Ossos*. vid. *Ol. Celsii* Dissert. in Act. Litt. Sved. 1736. *Suhm.* & *Schöningium* Om Folkenes Oprindelse.

Aja-

* *Afaheimr*. Sn. T. I. p. 6. *Aforum* regio. Tractus scilicet terrarum, quem orientem versus a Tanai inter Paludem Mæotidem, Pontum Euxinum atque Mare Caspium incolebant *Asi*, antequam in Septentrionem sedes transferebant.

Asaland. Sn. ibid. Idem.

* *Asafylfor*. B. dr. Idem ac *Adalsyfla*. Præfecturæ *Aforum* ideo forsan dictæ sunt, quod, postquam in Sveciam migrarunt unicæ fuerint, quæ trans Mare Balticum iis paruerit.

* *Asgaardr*. Sn. T. I. p. 8. *Aforum* urbs. Strab. *Ασπυργιον*. Urbs ad flumen Tanaim, orientem versus sita. De situ disputatum est semper æque incerto. Siquidem alii i *Chasgardia* Turquestaniæ illam quærent. Aliis in *Azorio* Ptolomæi s. ejusdem *Azoria*, orientem versus a Palude Mæotide inventa. *Stiernhielmii* Epistola apud *Verelium* notis ad *Hervaræ* sagam p. 5. cum *Assof* s. *Assow* eandem esse certo sibi perſualit. Sed *Assowiam* observavit *Mullerus* in Begebenheiten von Asow p. 8. 46. 52. &c. post ann. Chr. 1103; id nomen primum accepisse, *Tanaim* antea appellatam. vid. *Suhm*. Hist. Dan. T. 2. p. 59. 74. 79. *Schöning* om de Norske Folkes Oprind. p. 89 seqq. *Ol. Dalin* Gesch von Schw. T. 1. p. 81. *Ol. Celsii* Dissertat. de *Asianis* insert. Actis Litter. Svec. 1736. p. 193. *S. Lagerbrings* Swearikes Hist. T. 1. p. 54.

* *Asiemenn*. Herv. s. Asiæ homines, iidem ac *Asar*, seu quos Ptolomæus *Aszemannos* & Plinius *Asæos*, Sinenſes vero *Ou-si-oun* appellant. vid. *Lagerbring*. l. c.

* *Assatun*. Kn. AS. *Assandun* 3: Mons Asini, vertente Florent. Wigornienſe. *Assendun*; *Essendun*, *Æscendunum* & *Æfisdune* 3: mons fraxinorum apud Enco-

Encomiaſt. Emmæ; hodie vocatur *Aſſington* in agro Eſſexienſi.

**Aſund.* Kn. p. 248. oppidum Rugiæ.

**Atripidis.* Kn. p. 256. Territorium Rugiæ; *Tribuzano* vicinum.

**Aulduhlamp.* Fr. Vet. Promontorium Hiberniæ unde breviffimus in Iſlandiæ meridionalis alterum, *Reykianes* vulgo dictum, tranſitus patet. Reſpondet illud optime Promont. *North Cape*, cujus Pars in mappa Hiberniæ *G. Petty-Viſcheriana*, *Waterhowle* dicitur. Quod nomen, ſi non penitus exprimit, habet tamen aliquam *Auldu* ſ. ut impreſſa legit, *Folduhlaupti* notionem. *Balacleigh* 3: Dublinum, ut conſecit b. *Langebeckius* Script. Rer. Dan. T. II. p. 32. eſſe vix poteſt. Loca enim, ubi de curſu in Iſlandiam inſtituendo agitur, ſemper adferuntur, quæ minimo a ſe invicem intervallo diſtant. *Allda* Genet. *aulldu*, unda, & *hlaupt*, curſus.

**Aumlungaland.* Vilc. Italia Superior ſ. Longobardia ab Amalæis, qui Rege Oſtrogothorum *Amala* editi erant, denominata. vid. *Dalim* Geſch. von Schwed T. I. p. 23.

Aungulſey. Orkn. ſ. Tacito *Mona*, Britannis *Mon, Tirmon*, *Ynis Dorwill* 3: Inſula Opaca. Saxonibus *Monege*, *Mænige*, *Manige*, *Mannie*, ab Angliſ denique deviſta *Angleſey*, *Angles-ege*, *Angleſeye*, Anglorum quaſi Inſula dicta eſt. hodieque *Angleſey* vocatur, tenui freto

Aungulſeyjar-fund, l. c. Angl. *Meneu* a continentis *Walliæ* Comitatu Caernarvonenſi ſejuncta. Vid. *G. Cambdeni* Britanniam, de Inſulis Britann. *Edm. Gibſonii* Chron. Saxon. in Onomaſt. locor. *Baxteri* Gloſſar. Antiquitat. Britannic. & *Henr. Rowlands* Monam Antiquam reſtaurat,

Auſt-

Austmenn. Gannl. Ormst. f. p. 28. unde illustriff. Dni *J. Eri* Evergetæ mei max., parentis instar venerandi, observationem sumam. Vox *Austmenn* in genere viros significat ad orientem habitantes, vel ab oriente advectos. Hinc *Verelio* (in Ind. lingvæ Sviſco-Scyrho Scand) annōtante, Sveci-Norvegis *Austmenn* five *Ostmanni* dicti; Dani autem & Norvegi, imo & Germani, Anglis, Scōtis & Hibernis, quod præter alia Waræi testimonium a Torfæo (Orcad. p. 44.) productum, nec non Giraldus (Topograph. Hibern. Dist. III. c. 43. coll. Cambd. p. 750.) probant. conf. Cangii Glossarium: lat. voce Ostmanni. Sæpissime tamen Norvegi Islandis *Austmenn* appellantur. Conf. *Andr. Bussæi* Lexicon ad *Arium* Polyhist. voce *Austr.* Præcæteris autem notari meretur, ipsos interdum Normannos, se hoc nomine vocasse, teste Carmine authoris Norvegi de prælio Hafursfjordenſi a *Sturlæa* servato, in quo *Haralldus* Pulchricomus *Athvalldr* Austmanna 3: *Ostmanniorum* Dominus, appellatur, notatione ad Islandorum, Færøensium, Orcadensium, aliorumque occidentaliū morem formata.

**Austr-dísa* Matth. II. Oriens plaga mundi, Dan. *Österland*, Germ. *Morgenland*, Gr. ανατολη.

Austr-lind. Snor. T. II. p. 104. Terræ orientales. Qvos nomine regiones orientem versus a Mari Baltico a Danis, Norvegis, & Sveonibus vocabantur. vid. infra *Austr-ríki*.

Austrmarr. Thiodolf Hvinenſ. apud Sn. T. I. p. 45. Mare Balticum ab *austr*, oriens, respectu Daniæ &c. ita dictum & *marr*, mare. hod. *Ostsee*.

**Austr-ríki* Sgbr. & Snor. T. I. p. 18. Orientale regnum. Hoc vocabulo terræ omnes quæ inter mare

mare Balticum ab intimo sinus Finnici recessu ad Rugiam usque, & Mæotidem paludem Caspium Mare interjacet. Conf. Sn. T. II. p. 104. & Edit. Per. T. II. p. 73. ubi: Frá Ellipoltum fôr (*Haralldr*) allt um *Austr-riki*. 3: A Palude Mæote orientales (respectu Norvegorum) terras transivit *Haraldr*.

Austrvegr. Sn. T. I. p. 18. in plur. *Austrvegir*. ibid. p. 44. Orientale mare 3: *Balticum*, & regiones orientem versus illi adjacentes, scil. *Finnlandia*, *Carelia*, *Esthonia* s. *Livonia*, *Curlandia* omnesque inde ad *Wagriam* usque terræ. Vid. Snor. T. 2. p. 104. & omnes fere scriptores Islandos, apud quos sæpius occurrit ab *Austr*, oriens, & *Vagr*, *Vegr*, *Vogr*, unda, mare, sinus.

**Austr-vegs-menn*. Sn. T. I. p. 44. Qui, aut Mare Balticum accolebant, aut infesta accolis inferebant arripa, *homines maris Baltici* a Normannis vocabantur. In priori sensu apud Pythæum. *Esthi*, *Ostia*, & apud Artemidor. *Ostiones* occurrunt: nomina, quæ nulli ab initio certæ genti propria, sed pluribus communia erant.

B.

Bæheimr. Ann. Fl. *Bohemia*.

Balagardsfida. Sn. T. II. p. 8. Ora Finnlandiæ maritima quæ mari sinus *Finnici* alluitur. Littus Pomeraniæ ab *Belgarto* urbe dictum nominis similitudine authorem lapsum esse, & *Vindlandiam* cum *Finnlandia* confudisse autumat illustr. G. *Schöningius* l. c. & J. J. *Reenhielmus* in notis ad *Thorstani Vikingi* sagam idem statuit, sc. *Balagardsfidam* esse Pomeraniæ littus. Verum, *Snor-rónem*

ronem quod attinet, excusari non modo meretur, sed jure postulat, auctoritate *Sighvati* nixus. Hic, aulicus poëta, & familiaris *Sti Olai* Norvegiæ Regis, rem, ut gesta erat, refert; nam coram rege, cujus laudes cecinit, falsa cum attulisse facilis dubitarem. Verba hæc sunt.

Procella fuit Chalybis in bello, ꝑ: procellæ instar
 Celeri in via ad Herdalas usque, pluebant gla-
Finnlendingorum in concursu, diorum ictus
 Regum nepotis acerrima tertia,
 Ad orientem autem juxta viam,
 Sôlvit maris piraticas naves,
 Cum *Balagardi* (extrema) ad latus,
 Navibus (istis) jacuere littora,

Hoc littus crederem ab æstu maris longa fyrtiuna
 ferie fervente *Balagard* vocari. Etenim in Islandia
 piscatores littus undis æstuans *eitt bál*, *eina
 brenning*, incendium *eitt brim*, æstum, nominant.
 Hinc *Bál*, incendium, æstus, fervor, tam ignis
 quam aquarum ventis commotarum, & *síða*, la-
 tus, ora. Conf. infra *Finnland*.

**Bannveta*. Laur. b. f. *Beneventum*, urbs Italiæ in
 Provincia montis *Fusculi*.

**Bár*. R. st. hodie *Bari*, *Ager Barianus*, Regio
 Italiæ. *Terra di Bari* hod. pars Regni Neapolitani.

**Basta*. Kn. *Baphos*, hod. *Paphos*, metropolis Insu-
 læ *Cypri*.

**Beifaraland*. Hr st. *Bavaria*, Pars Germaniæ &
 Electoratus, hod. *Bayern*.

**Beltsifund*. Kn. p. 62. *Fretum Balticum*, hodie *det
 Store Belte*, & *κατεξοχην Beltet*, quod a *Salan-
 dia Fioniam* sejungit. Vocem *Beltsi*, quæ cingulum
 baltheumve etiam denotat, commune mari esse
 nomen observavit *H. Grotius* Præfat. ad Scripto-

res Gothicos, & post eum *Verelius* notis ad Her-
varæ sag. p. 18. & *Ihre* in voce *Bælt*. In poësi
secundum regulas Eddicas *belti*, ponitur pro mari
(tam toto, quam parte) terrarum quippe Cingulo.
Et hæc ratio cur Mare *Balticum* a *Balteo* deri-
vetur, potior est, quam illa *Joh. Peringskiöldii*,
quam in Monumentis Uplandicis p. 124. a *Bal-*
dero Bono, tamquam Eponymo sumisit.

Bern. Vilk. Verona, urbs antiq. Longobardiæ Venetæ.

**Beruvsk. Ork. f.* hodie *Berwik* ad *Tivedam* flumen
sitâ juxta mare Germanicum.

Biarmaland. Sn. T. I. p. 110. T. II. p. 217. Regio
circa *Dvinam* flumen, quam mare album alluit,
hod. *Permia*, Terra *Permsie*. In situ maxime
errarunt viri docti *Schefferus* in Lapponia Cap. II.
pag. 4. 5. *Verelius* in notis ad *Herraudi* sagam
p. 73. *J. E. Björner* in *Gothunhemia* Cap. XII.
p. 76. aliique plures. Vid. *G. Schöning* in *A.*
Schlözers Allgemeine Gesch. von Norden p. 443.
Causam vid. infra in voce *Gandvsk*

Blauckumannaland. Sn. T. II. p. 396. Ed Per. Fu-
scorum colore hominum terra 3: *Wallachia*. vid.
infra in *Pessmarvellir*. A *Blackr*, fuscus, AS. *blac*,
blæc, Angl. *Black*.

Bláland sumitur 1) pro *Africa* in Carmine *Sturlæ*
Thordi, quo testatur *Hakonem* Norvegiæ Regem
Allvaldr dirkæzt út med Serkium

oc - - -

þadan alt med Blálands iadri.

3: Potentissimum a remotis longe *Saracenis* lau-
dibus mañtari

& - - -

inde ab omnibus secundum litora *Blalandiæ*
oceanî accolis.

2) Pro

2) Pro ea *Africa* parte, quæ *Mauritaniam*, desertum *Zaara* & utramque *Æthiopiam* continet. Quas terras Snorro uno nomine *Bláland hid meira*, *Blálandiam* majorem appellat. Fragn. vero Geogr. 736. in tres *Blalandias* dividit. 3) Pro *Æthiopia* Macc. I. c. 6. *Bláland* versionem esse *Nigritiæ*, quis non videt. A *Blár*, 1) niger, 2) cæruleus, & *land*, terra.

**Blámadr*. Hr. ft. *Æthiops*. 2) pugil. vid. *Ihre* in h. v.

**Boheimr*. Ann. Reg. *Bohemia*.

Bolgaraland. Sn. T. II. p. 247. Ed. Per. & Hr. ft. *Bulgaria*, Regio ad *Pontum Euxinum*, ubi *Dunubius* in mare nigrum excurrit.

**Bolgardaland*. Fr. G 333. Idem.

**Borg*. Hak. S. vide *Burg* infra.

Borgundarholmr. Snor. & Kn. *Bornholmia*, Insula maris Baltici. AS. in *Otheri* Periplo *Burgendaland*, Dan. in *Diplomat. med ævi Burgandeholm*, *Burgundeholm*, *Burganderholm*, *Burgendeholm*, *Borghandaholm*, *Borrandaholm*, *Borandaholm*, *Borændaholm* *Borendholm*, *Borendeholm*, *Borundholm*, *Borondaholm*, *Burlundaholm*, *Bordenholm*, *Borenholm*, hod. *Bornholm*. vid. *Langebeckii* Script. Rer. Dan. T. 2 p. 118. & *Suhmii* Collectio ad Hist. Dan. Tom. I. p. 42. *J. Thuman* Untersuchung über die alte Geschichte einiger Nodischen. Nat. nomen ab antiquissimo *Burgundiorum* populo deducit, credens eorum coloniam sedes in hac insula fixisse. Sed a *Borg*, castellum, munimentum, urbs; & *unn*, particula instar denotante compositum esse puto. Etenim *Bornholmia* Saxis præruptis editisque munita castello haud absimilis est, & in Islandia prærupti monticuli *Borgir* sæpius appellantur.

Bót.

